

## WELSH PODCAST TRANSCRIPT

Helo, a chroeso i bodlediad y Gronfa Loteri Fawr.

Cronfa Loteri Fawr: Trwy ein rhaglen Arwyn yn Ôl 2 mae'r Gronfa Loteri Fawr wedi dyfarnu dros £25 miliwn i fwy na 50,000 o gyn-filwyr yr Ail Ryfel Byd, gweddwon, gwŷr a gwragedd a gofalmwr ledled y DU i dychwelyd i'r lleoedd y buont hwy neu aelodau o'u teulu yn y gad.

Mae Dydd Sul y Coffa yn darparu amser i bobl fyfyrrio ar yr aberth mawr y gwnaeth ein cyn-filwyr drosom.

Bydd Doug Mayman yn teithio'n ôl i Lucheux, Normandi gyda'i ferch ym mis Ebrill i olrhain ei olion troed gan ddefnyddio'r dyddiaduron y gwnaeth eu cadw yn ystod yr Ail Ryfel Byd. Mae'n dweud wrthym am ei brofiad o'r rhyfel a pham mae eisiau dychwelyd i'r lle y bu yn y gad.

Doug Mayman "Glaniais fel aelod o'r 15fed 19eg Hwsariaid Brenhinol, cyn-gatrawd gwŷr meirch sydd bellach yn gatrawd tanciau cyflym ysgafn a hyfforddir yn effeithiol mewn cad-drefniannau dros dir. Fe lanion ni ar Draeth Oren ym mis Awst 1944. A Grouches-Luchuel oedd enw'r pentref yr oeddem ynddo.

Fel y trodd allan, nid am gyfnod byr yr oedden ni yno - gan i gynifer o danciau gael eu bwrw, cymerodd y cerbydau atgyweirio amser hir i'n cyrraedd ni, ac roedden ni yno am bythefnos neu fwy. Yn ystod yr amser hwnnw ni oedd yr unig bobl o dramor yn y pentref a daethom i nabod y pentrefwyr, rhai ohonynt yn eithaf da. Gadawodd dynes yn y pentref i ni gysgu yn ei hysgubor, a chw'rddon ni â rhai o'r pentrefwyr eraill yno.

Enw un ddynes benodol y cwrddom â hi oedd Vera Brown, a oedd wedi bod yn asiant dwbl, a dywedodd wrthym i gyd am feddiannaeth yr Almaenwyr dros y pentref. Felly, bydd rhan o'n taith yn bendant yn dychwelyd i'r pentref hwnnw i weld p'un a yw unrhyw un yn ein cofio ni. Rwy'n cofio digon ohono'n bendant, er iddo ddigwydd amser maith yn ôl.

Felly, nid ydym yn dychwelyd i lawenhau dros y rhyfel gan nad ydw i'n credu mai rhywbeth gogoneddus i'w wneud oedd ymladd, ond bu'n rhaid i ni ei wneud e. A'r hyn y bydd yn ei olygu i mi yw os galla i ddod o hyd i bobl yn y pentref. Yr hyn a fydd yn fy helpu yw yr ysgrifennais ddyddiadur bob dydd, mae gennyf y rhain o hyd a byddant yn dweud wrthyf yn union ble'r oeddwn i ar adegau gwahanol drwy gydol yr ymladd, felly ni fydd yn anodd, hyd yn oed ar ôl yr holl flynyddoedd, i ddod o hyd i'r lleoedd yr wyf eisiau mynd iddynt.

Ar y pwynt hwnnw teimlaf ei fod yn briodol talu teyrnged i holl aelodau eraill ein catrawd. Rwy'n credu yr oeddem yn lwcus iawn, yn wahanol i'r hyn sy'n cael ei dybio'n aml roedd gennym lawer iawn o barch at, a ffydd yn, ein swyddogion. Gwnaethant i gyd arwain o'r blaen. Roedden i gyd yn bobl ragorol; o ran fy rheng fy hun, roedden i gyd wedi'n conscriptio a heb fod yn filwyr proffesiynol, ac eto roedd lefel uchel iawn o ddewrder a gamaraderie yno. Ac oherwydd hynny i gyd, edrychaf ymlaen at ddychwelyd i'r ardaloedd hynny, nid o reidrwydd oherwydd brwydrau'r cyfnod hwnnw ond i dalu rhyw fath o deyrnged i'r bobl fel fi a gafodd eu dal yn y rhyfel ac a wnaeth eu gorau glas i sicrhau eu bod yn cynnal eu cymheiriaid.

Cronfa Loteri Fawr: Mae Prif Weithredwr y Gronfa Loteri Fawr, Peter Wanless, yn siarad am yr hyn y mae Arwyr yn Ôl yn ei olygu iddo fe ac i'r Gronfa Loteri Fawr.

Peter Wanless: "I raddau helaeth Arwyr yn Ôl yw'r rhaglen y mae pobl yn ei hoffi orau gan y Gronfa Loteri Fawr. Mae wedi'i anelu at unigolion a sicrhodd y rhyddid y mae pob un ohonom yn elwa ohono yn yr oes bresennol. Wrth i ni nesáu at ddydd Sul y Coffa, rwyf bob amser yn meddwl

am fy nhad-cu a gymerodd ran yn y glaniadau Dydd-D, a buodd e bob amser yn siarad â am y profiadau rhyfeddol hynny pan oeddwn yn tyfu i fyny. Buodd e farw cyn i'r rhaglen Arwyr yn Ôl ddod i fodolaeth. Mae'n drist na chafodd e gyfle i elwa o daith o'r math hwn.

Mae'r llythyron o ddiolch a dderbyniwn gan nifer mawr o'r unigolion sydd wedi cymryd rhan yn y rhaglen hon yn rhyfeddol. Rwyf wedi derbyn llythyron personol hynod o emosiynol, yn aml iawn wedi'u hysgrifennu'n fanwl iawn, yn amlinellu'r emosiynau a'r gweithredoedd y mae pobl wedi'u profi yn ystod yr ymweliadau hyn. Mae'n ostyngedig i dderbyn diolch fel hyn oherwydd, a bod yn gwbl onest dyna'r lleiaf y mae'r arwyr hyn yn ei haeddu."

Cronfa Loteri Fawr: Mae Ted Hedges, a wasanaethodd yn Rheolaeth Amddiffyn y Glannau y Llu Awyr Brenhinol yn hela'r llongau tanfor o'r Almaen a dargedodd Gonfoiau'r Cynghreiriaid, yn siarad â ni am ei daith yn ôl i'r Asores a ariannwyd drwy Arwyr yn Ôl.

Cyn iddo adael ym 1944, roedd yr Americanwyr wedi dechrau gweithio ar y cyd gyda'n lluoedd ni i adeiladu canolfan i'r llu awyr sydd bellach yn un o ganolfannau pwysig NATO.

Ted Hedges: "Y brif dasg yw ymweld â fy ffrindiau, neu ffrindiau a adawyd yn y fynwent. Mae'n anodd iawn esbonio wrth unrhyw un sut rydych yn teimlo ar y fath achlysur. Rydych yn gweld eu hwynebaw o hyd; rydych yn dal i glywed eu lleisiau a'r amseroedd y gwnaethoch eu treulio gyda nhw, efallai dim ond rhai wythnosau gyda rhai ohonynt. Nid ydynt byth yn marw, maen nhw yno drwy'r amser. Ac mae cerdded o gwmpas ac ymweld â phob bedd sydd yn y fynwent heddiw, ac mae 47 o feddau yno, yn rhywbeth y mae angen i chi ei wneud.

Pan adewais y fynwent nid oedd unrhyw amheuaeth fy mod yn teimlo eu bod nhw'n dal i fyw yn y cof cyhyd ag y byddaf yn eu cofio.

Ymwelais â'r fynwent dair gwaith. Y tro olaf gadawais mewn dagrau.

Dros y deng mlynedd diwethaf rwyf i, mewn cydweithrediad â rhywun o Ganada, wedi helpu i ysgrifennu llyfr ar weithgareddau'r sgwadronau Fortress yn Yr Asores, a diben y llyfr hwnnw oedd cofnodi'r aberth mawr a wnaeth bob un o'r bobl hynny a hefyd bod yna cofnod o'r hyn y gwnaethant ei gyflawni, yr hyn a effeithiodd arnynt a'u bod yn dal i fyw yn ein hatgofion, y rhai ohonom a oroesodd."

Cronfa Loteri Fawr: Os oes gennych chi neu rywun rydych yn ei adnabod ddiddordeb mewn ymgeisio i'r rhaglen Arwyr yn Ôl, ffoniwch ein llinell gymorth ar 0845 00 00 121, neu ewch i'r wefan [www.biglotteryfund.org.uk/heroesreturn](http://www.biglotteryfund.org.uk/heroesreturn).

[www.biglotteryfund.org.uk/heroesreturn](http://www.biglotteryfund.org.uk/heroesreturn).

Ond brysiwch, 31 Ionawr 2012 yw'r terfyn amser ymgeisio ar gyfer teithiau hyd at 31 Rhagfyr 2012. Mae grantiau ar gyfer y costau teithio sy'n gysylltiedig â'r cyfryw deithiau'n amrywio o £150 i tua £5,500.

Gallwch danysgrifennu i bodlediad y Gronfa Loteri Fawr ar iTunes neu ein dilyn ni ar Twitter @BigLotteryFund neu os ydych yn ein hoffi ni, 'hoffwch' ni ar ein tudalen Facebook!

Os oes gennych unrhyw sylwadau neu adborth ar y podlediad hwn, anfonwch e-bost atom yn: [audio.visual@biglotteryfund.org.uk](mailto:audio.visual@biglotteryfund.org.uk)